

Հավելված
ՀՀ կառավարության 2020 թվականի
մայիսի 21-ի N 814 - Ն որոշման

ԱՐՏԱԿԱՐԳ ԻՐԱՎԻՃԱԿՆԵՐՈՒՄ ԿԱՄ ԱՐՏԱԿԱՐԳ ԻՐԱՎԻՃԱԿՈՎ
ՊԱՅՄԱՆԱՎՈՐՎԱԾ ԱՐՏԱԿԱՐԳ ԴՐՈՒԹՅՈՒՆ ՀԱՅՏԱՐԱՐԵԼՈՒ
ԴԵՊՔՈՒՄ ԿՈՐՈՆԱՎԻՐՈՒՍԱՅԻՆ ՀԻՎԱՆԴՈՒԹՅԱՄԲ (COVID-19)
ՊԱՅՄԱՆԱՎՈՐՎԱԾ ԲՆԱԿՉՈՒԹՅԱՆ ԲԺՇԿԱԿԱՆ ՕԳՆՈՒԹՅՈՒՆՆ
ՈՒ ՍՊԱՍԱՐԿՈՒՄՆ ԻՐԱԿԱՆԱՑՆԵԼՈՒ ՆՊԱՏԱԿՈՎ ԲԺՇԿԱԿԱՆ
ՕԳՆՈՒԹՅՈՒՆ ԵՎ ՍՊԱՍԱՐԿՈՒՄ ԻՐԱԿԱՆԱՑՆՈՂՆԵՐԻ ԿՈՂՄԻՑ
ԻՐԵՆՑ ԼԻՑԵՆԶԻԱՅՈՎ ՉՆԱԽԱՏԵՍՎԱԾ ԲԺՇԿԱԿԱՆ ՕԳՆՈՒԹՅԱՆ
ԵՎ ՍՊԱՍԱՐԿՄԱՆ ՎԱՐԱԿԻՉ ՀԻՎԱՆԴՈՒԹՅՈՒՆՆԵՐԻ (ՄԵԾԵՐԻ ԵՎ
ՄԱՆԿԱԿԱՆ) ՏԵՍԱԿԻ ԻՐԱԿԱՆԱՑՈՒՄԸ ԹՈՒՅԼԱՏՐԵԼՈՒ ԿԱՐԳԸ ԵՎ
ՊԱՅՄԱՆՆԵՐԸ

1. Սույն կարգով կարգավորվում են արտակարգ իրավիճակներում կամ արտա-
կարգ իրավիճակով պայմանավորված արտակարգ դրություն հայտարարելու դեպքում
կորոնավիրուսային հիվանդությամբ (COVID-19) պայմանավորված բնակչության բժշկա-
կան օգնությունը և պասարկումն իրականացնելու նպատակով բժշկական օգնություն և
սպասարկում իրականացնողների (այսուհետ՝ Բժշկական կազմակերպություն) կողմից
իրենց լիցենզիայով չնախատեսված բժշկական օգնության և սպասարկման վարակիչ
հիվանդությունների (մեծերի և մանկական) տեսակի իրականացման հետ կապված հարաբե-
րությունները:

2. Արտակարգ իրավիճակներում կամ արտակարգ իրավիճակով պայմանավորված
արտակարգ դրություն հայտարարելու դեպքում կորոնավիրուսային հիվանդությամբ
(COVID-19) պայմանավորված բնակչության բժշկական օգնությունը և սպասարկումն իրա-
կանացնելու նպատակով Բժշկական կազմակերպություններին թույլատրվում է իրականաց-
նել իրենց լիցենզիաներով չնախատեսված բժշկական օգնության և սպասարկման վարակիչ
հիվանդությունների (մեծերի և մանկական) տեսակը՝ Հայաստանի Հանրապետության
կառավարության 2002 թվականի դեկտեմբերի 5-ի N 1936-Ն որոշման N 2 հավելվածի 14-րդ
բաժնով նախատեսված ինֆեկցիոն և 14.1-ին բաժնով նախատեսված ինֆեկցիոն

վերակենդանացման և ինտենսիվ թերապիայի բաժանմունքների սարքավորումների և բժշկական գործիքների հագեցվածությունը բավարարելու պայմանով՝ առողջապահության բնագավառի պետական կառավարման լիազոր մարմնի նախաձեռնությամբ:

3. Բժշկական կազմակերպություններին իրենց լիցենզիաներով չնախատեսված բժշկական օգնության և սպասարկման վարակիչ հիվանդությունների (մեծերի և մանկական) տեսակի իրականացումը թույլատրելու մասին որոշում կայացնելիս առողջապահության բնագավառի պետական կառավարման լիազոր մարմինը գնահատում է վարակի տարածման ծավալները, Բժշկական կազմակերպության աշխարհագրական տեղակայման վայրը, չլիցենզավորված Բժշկական կազմակերպությունների կողմից նման ծառայության մատուցման անհրաժեշտությունը և նպատակահարմարությունը:

4. Բժշկական կազմակերպություններն իրենց լիցենզիաներով չնախատեսված բժշկական օգնության և սպասարկման (վարակիչ հիվանդությունների (մեծերի և մանկական) տեսակ) գործընթացն իրականացնելիս առաջնորդվում են առողջապահության բնագավառի պետական կառավարման լիազոր մարմնի կողմից հաստատված կլինիկական ուղեցույցներով և պացիենտի վարման գործելակարգերով:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ՂԵԿԱՎԱՐ

Է. ԱՂԱԶԱՆՅԱՆ